

# ՀԵՏԱԶՈՏԱԿԱՆ ԱՇԽԱՏԱՆՔ

Կերպարվեստի դասավանդման մեթոդիկա

Թեմա՝ „Կերպարվեստ,, ուսումնական առարկայի կրթական նշանակությունը և հիմնական պատկերները

Հետազոտող՝ Աստղիկ Աղեկյան

Ղեկավար՝ Լ. Իսկոյան (մանկ. գ.թ. ,դոցենտ)

ԵՐԵՎԱՆ 2022

## **„Կերպարվեստ,, ուսումնական առարկայի կրտսկան նշանակությունը Եվ հիմնականատակները**

Արդի հասարակության ամենավտանգավոր և հրատապ լուծում պահանջող հիմնահարցերից է հոգևոր ճգնաժամը : Ուստի մանկավարժության գերխնդիրն է դառնում մատաղ սերնդի հոգևոր կերպարի, կյանքի նկատմամբ ոչ անտարբեր, ստեղծագործ վերաբերմունքի ձևավորումը:

Բոլորովին չնվազեցնելով մայրենի լեզվի կամ մաթեմատիկայի նշանակությունը, որոնց ավանդաբար հատկացվում է արտոնյալ կարգավիճակ պետք է, այնուամենայնիվ, խոստովանենք որ այդ առարկաներն ի վիճակի չեն գեղագիտորեն լիարժեք ձևավորված անձ դաստիարակել, չնայած անկասկած, դրանք ձևավորվում են մարդուն անհրաժեշտ որոշակի հատկանիշներ: Այն, ինչ մենք անվանում ենք հոգևոր կյանք, ներաշխարհի հարստություն, գտնվում է գեղագիտական ցիկլի առարկաների ազդեցության ոլորտում: Ակնհայտ այս փաստի անտեսումը մանկավարժական աններելի սխալ է:

Իրենց բովանդակության և յուրահատկության շնորհիվ արվեստներն ընդհարապես և կերպարվեստը՝ հատկապես, լավագույն կերպով բացահայտում են մարդու և շրջապատող ողջ աշխարհի գեղեցկությունն ու ներդաշանակությունը: Իսկ գեղեցիկը, ներդաշնակը տեսնելու պահանջը վերածվում է այն ստեղծելու ցանկության: Արվեստի հետ շփումը հարստացնում է մարդուն գեղեցիկի, բարության, ճշմարտության, ճանաչման համամարդկային փոձով՝ դարձնելով այն սեփական կյանքի փորձ:

Ցանկացած գեղարվեստական գործողությամբ զբաղվելը ինքնաարտահայտման անսպառ հնարավորություն է ընձեռում և, վերջապես, մեծագույն հաճույք է պատճառում մարդուն:

Հանրակրտական դպրոցում գեղագիտական դաստիարակության նկատմամբ վերաբերմունքը փոխելու, նրա դերն ու նշանակությունը ճիշտ գնահատելու և բարձրացնելու ուղղությամբ որոշակի քայլեր ամրագրվեցին հանրակրթության պետական կրթակարգում և արտացոլվեցին առարկայական չափորոշիչներում և ծրագրերում: Կերպարվեստն այսուհետ ուսուցանվում է 1-7-րդ դասարաններում, ավելացել է ժամաքանակը, վերանայվել և բարձացվել են պահանջները:

Ներկայացնենք նշված մոտեցումները՝ ընդհանրացված և համառոտ կերպով մեջբերելով առարկայական ծրագրի որոշ դրույթներ:

Կերպարվեստի տարբեր տեսակներին հաղորդակցվելը և ինքնուրյուն գեղարվեստական գործունեություն իրականացնելը նպաստում է՝

- Իրականության գիտակցական և զգայական ընկալման ձևավորմանը,
- Վերլուծական և ստեղծագործական մտածողության զարգացմանը,
- Անձի ինքնաճանաչմանը, ինքնաարտահայտմանը և մտահորիզոնի ընդլայնմանը,

- Սովորողների գեղարվեստական կրթությանը, գեղագիտական և բարոյական դաստիարակությանը,
- Ազգային-հայրենասիրական և մարդասիրական զգացումների, բնապաշտության արմատավորմանը:

## **„ԿԵՐՊԱՐՎԵՍՏ,, ԱՌԱՐԿԱՅԻ ՀԵՆՔԱՅԻՆ ԲՈՎԱՆԴԱԿՈՒԹՅՈՒՆԸ ԵՎ ՈՒՍՈՒՄՆԱԿԱՆ ՊԱՐԱՊՄՈՒՆՔՆԵՐԻ ՏԵՍԱԿՆԵՐԸ ԿՐՏՍԵՐ ԴՊՐՈՑՈՒՄ**

Կերպարվեստի ուսուցումն իրականացվում է հետևյալ ոլորտներով և հենքային բովանդակությամբ.

**ԳԾԱՆԿԱՐ** - Իրականության ընկալման և գրաֆիկական եղանակով պատկերման

Հիմնական միջոց է: Հանդիսանում է տեսողական արվեստի արտահայտման բաղկացուցիչը:

**ԳՈՒՆԱՆԿԱՐ** - Շրջապատող իրականության գունային բազմազանության, հարստության և ներդաշնակության ընկալման և պատկերման միջոց է:

Պատկերվող օբյեկտների կառուցվածքի, ձևի, ծավալի, գծային և գունային հեռանկարչության, լուսարվեստի և կոմպոզիցիայի տարրական հիմունքների ուսումնասիրում և ձեռք բերված գիտելիքների գործնական կիրառում:

**ԴԵԿՈՐԱՏԻՎ - ԿԻՐԱՌԱԿԱՆ ԳՈՐԾՈՒՆԵՈՒԹՅՈՒՆ** - Ժողովրդական արհեստների ժամանակակից դեկորատիվ-կիրառական արվեստների հոգևոր և նյութական արժեքների ճանչման միջոց է:

Ծանոթություն ազգային և արտասահմանյան ժողովրդական արհեստների և ժամանակակից դեկորատիվ-կիրառական արվեստների տեսակների, դրանց առանձնահատկությունների և ստեղծագործությունների հետ: Թղթյա կերպարվեստ: Դեկորատիվ աշխատանք թելերով, գործվածքով և բնական նյութերով: Դեկորատիվ նկարչություն:

**ԿԵՐՊԱՐՎԵՍՏԻ ՏԵՍՈՒԹՅՈՒՆ ԵՎ ՊԱՏՄՈՒԹՅՈՒՆ** - Կերպարվեստի բնագավառից տեսական գիտելիքների ձեռքբերման և ընդհանուր աշխարհայացքի ընդայլման միջոց է:

Կերպարվեստի տեսակները, դրանց բազմազանությունը, փոխկապակցվածությունը և դերը մարդու կյանքում: Կերպարվեստի ժանրերը: Տեղեկություններ հայկական և համաշխարհային կերպարվեստի հանրահայտ արվեստագետների և նրանց ստեղծագործությունների մասին:

Գծանկարի, գունանկարի, ԴԿԱ-ի և կերպարվեստի տեսության ու պատմության ուսուցման կրտսեր դպրոցում կատարվում է միմյանց հետ փոխկապակցված բնօրինակից և թեմատիկ պատկերման, դեկորատիվ-կիրառական գործունեության և կերպարվեստի մասին զրույցների միջոցով:



**Դասի Պլան - կոնսպեկտ**

**Առաջին դասարանի համար**

**ԴԱՍԻ ԹԵՄԱՆ** - Դեկորատիվ աշխատանք „Նախշեր,, / կետերի միացում և գունավորում /

**ԴԱՍԻ ՆՊԱՏԱԿԸ ԵՎ ԽՆԴԻՐՆԵՐԸ** -Սովորեցնել աշխատել համբերատար, ուշադիր և մաքուր

Հիշել գծային վարժություններով ինչ երկրաչափական պատկերներ կարող ենք ստանալ կամ 1-2 պատկերներով ստանալ նոր պատկերներ.

Ճիշտ արտանկարել և գունավորել օրինակից պահպանելով հաջորդականությունը.

**ԴԱՍԻ ԸՆՏԱՅՔԸ**

1. Կազմակերպչական մաս /1-5 րոպե/
2. Նոր նյութի հաղորդում
  - Աշխատանքային տեսքում պատկերված կետային օրինակի վրա սովորեցնել կառուցել տվյալ առաջադրանքը:

- Գրատախտակի կատարել նկարչական տեսքի կետային օրինակը, որպեսզի առաջադրանքը լավ կիրառեն և ճիշտ կատարեն նկարչական տեսքում:
- Ֆիզկուլտ դադար /1-5 րոպե/
- Գործնական աշխատանք /20-25 րոպե/
- Դասի ամփոփում փնտրել առավել հաջողված աշխատանքները ցուցադրել, խրախուսել /ուրախ սմայլիկներով/

## **Դասի Պլան - կոնսպեկտ**

### **Երկրորդ դասարանի համար**

**ԴԱՍԻ ԹԵՄԱՆ** - Թեմատիկ աշխատանք „Զարմանալի Տերևները,“

#### **ԴԱՍԻ ՆՊԱՏԱԿԸ ԵՎ ԽՆԴԻՐՆԵՐԸ**

1. Ցույց տալ երեխաներին տարբեր, բնական տերևներ:
2. Նկարագրել կառուցվածքը,աշնանային տերևները ինչ գույներեն լինում /խառնուրդով/

**ԴԱՍԻ ԿԱՀԱՎՈՐՈՒՄԸ** - Բնական տերևներ Ա4 ֆորմատի վրա կատարված տերևներով աշխատանք, Տերևներով պատկերված նկարներ ցուցադրելու և պատկերացում ունենալու համար և ճիշտ տեղադրելու թղտի վրա:



## **ԴԱՍԻ ԸՆՏԱՑՔԸ**

1. Նոր դասի բացատրում:
2. Գրատախտակին նկարել տերևների օրինակներ:
3. Աշակերտի ինքնուրյուն աշխատանք:
4. Ֆիզկուլտ դադար:
5. Ուսուցչի կողմից անհատական և ընդհանուր աշխատանքի դրսևորում երեխաների հետ:
6. Դասի ամփոփում՝ ցուցադրել հաջողված, հետաքրքիր կատարված աշխատանքները և գնահատել

**Դասի Ուլան-կոնսպեկտի օրինակ**

**Երրորդ դասարանի համար**

**Դասի թեման.**

**„Աշնան հյուր,,** թեմատիկ նկարչություն: Ծանոթացում կերխապարվեստի  
Ստեղծագործությունների հետ և զրույց շրջակա գեղեցկության մասին:

### **Դասի նպատակը և խնդիրները.**

1. Ցույց տալ երեխաներին աշնան գեղեցկությունը գեղանկարչության

մեջ, նշանավոր նկարիչների ստեղծագործություններում:

2. Երեխաների կերպարային հիշողության, հուզական-գեղագիտական  
վերաբերմունքի հետագա զարգացում:

3. Երեխաների մեջ ձևավորել ինքնուրյուն թեմատիկ նկար ստեղծելու  
կարողություն, հետևողականորեն նկարել՝ ըստ ընտրած թեմայի

4. Կերպարվեստի և հարակից առարկաների միջև միջառարկայական կապերի  
իրականացում՝ երաժշտության ունկնդրում **„Աշնան երգ,,** բնության  
դիտարկում՝ մայրենի լեզվի և աշխատանքի ուսուցման դասերի թեմաների հետ  
կապված **/աշնանային տերևներ/ :**

### **Դասի կահավորումը.**

Թղթեր, մատիտներ, ջրաներկ և գուաշ, մոմակավիճներ, վրձիններ, ջրամաններ,  
ռետին, փորձաթղթեր, **„Աշնանային երգ,,** ձայնագրություններ, վերատպություններ  
և շարժանկարներ Սարյանի, Լևիտանի, Առաքելյանի նկարների  
վերատպություններից, հավաքածու՝ աշնանային տերևներ:

## Դասի ընթացքը.

- Ա) նոր դասի բացատրություն,
- Բ) „Աշուն,, թեմայով երևակայական նկարչություն,
- Գ) վերատպությունների ցուցադրում և վերալուծում,
- Դ) երաժշտության ունկնդրում,
- Ե) դպրոցականների ինքնուրույն աշխատանք՝ պատկերվող թեմայի կոմպոզիցիայի ընտրություն և գծանկարի կատարում,
- Զ) ջրաներկով կամ գուաշով աշխատելու եղանակների հիշեցում,
- Է) ներկերով և վրձինով աշխատելու վարժություններ,
- Ը) աշակերտների ինքնուրույն աշխատանք գույներով
- Թ) ուսուցիչ կողմից անհատական և ընհանուր աշխատանքի դրսևորում երեխաների հետ,
- Ժ) ուսումնական խնդրի կատարման արդյունքների ամփոփում, մանկական աշխատանքների կոլեկտիվ քննարկում: